

Polisi Cymwysterau Rheoleiddiol Cymraeg a Dwyieithog

Rheoli ac adolygu fersiynau

Cymeradwywyd y fersiwn (1) hon o Bolisi Cymwysterau Rheoleiddiol Cymraeg a Dwyieithog Cymwysterau Cymru ar 13 Mai 2016 gan Fwrdd Cymwysterau Cymru. Mae wedi'i hanelu at gyrff dyfarnu.

Mae'r polisi hwn yn esbonio ein dull cyffredinol o ddarparu cymwysterau Cymraeg a dwyieithog gan gyrff dyfarnu cydnabyddedig. Nid yw'n nodi dull corfforaethol Cymwysterau Cymru o ymdrin â'r Gymraeg; caiff hyn ei gwmpasu mewn polisi a chynllun gweithredu ar wahân sy'n cael eu datblygu ar hyn o bryd.

Bydd Cymwysterau Cymru yn adolygu'r datganiad polisi hwn yn gyson, ac os bydd o'r farn ei bod yn briodol, yn dilyn adolygiad, bydd yn paratoi datganiadau diwygiedig a diweddariadau. Bydd Cymwysterau Cymru yn adolygu'r ddogfen hon ddwywaith y flwyddyn. Gallai adolygiad o'r fath ystyried effeithiolrwydd y polisi a'i gymhwysedd parhaus. Disgwylir i'r datganiad hwn gael ei adolygu nesaf erbyn mis Tachwedd 2016 fan bellaf.

Croesewir adborth ar y polisi hwn ar unrhyw adeg. Anfonwch eich sylwadau i policy@qualificationswales.org.

Egwyddorion Cyffredinol y Polisi Cymwysterau Rheoleiddiol Cymraeg a Dwyieithog

Mae'r polisi hwn yn ymwneud â'r holl gyrff dyfarnu sydd wedi cael eu cydnabod o dan Adran 4 (*Cydnabod cyrff dyfarnu*) o Ddeddf Cymwysterau Cymru 2015 ("Y Ddeddf").

Fel y nodir yn y Ddeddf, wrth arfer ei swyddogaethau, mae'n rhaid i Cymwysterau Cymru weithredu mewn ffordd y mae'n ystyried sy'n briodol at ddiben cyflawni'r prif nodau, sef (a) sicrhau bod cymwysterau, a'r system gymwysterau yng Nghymru, yn effeithiol o ran diwallu anghenion rhesymol dysgwyr yng Nghymru; a b) ennyn hyder y cyhoedd mewn cymwysterau a'r system gymwysterau yng Nghymru. Wrth ystyried yr hyn sy'n briodol at ddibenion cyflawni ein prif nodau, byddwn yn ystyried (ymhlith pethau eraill):

“dymunoldeb hyrwyddo a hwyluso'r defnydd o'r Gymraeg, gan gynnwys drwy argaeledd trefniadau asesu sy'n darparu ar gyfer asesu drwy gyfrwng y Gymraeg, ac argaeledd cymwysterau sydd fel arall yn hyrwyddo neu'n hwyluso'r defnydd o'r Gymraeg”

Adran 3, Prif nodau'r Ddeddf

Polisi Cymwysterau Rheoleiddiol Cymraeg a Dwyieithog

1. Nod y polisi hwn yw y dylai dysgwyr yng Nghymru gael mynediad at ystod o gymwysterau y gellir eu hasesu trwy gyfrwng y Gymraeg ac yn ddwyieithog.

2. Fel arfer bydd Cymwysterau Cymru yn ei gwneud yn ofynnol i gymwysterau **cymeradwy**¹ fod ar gael i'w hasesu yn Gymraeg ac yn Saesneg.
3. Mae Cymwysterau Cymru yn annog cyrff dyfarnu i sicrhau y gellir asesu yn Gymraeg ac yn Saesneg ar gyfer ystod mor eang â phosibl o gymwysterau **dynodedig**².
4. Efallai y gall Cymwysterau Cymru ddarparu cymorth i gyrff dyfarnu i'w helpu i ateb y galw am gymwysterau a asesir drwy gyfrwng y Gymraeg. Er enghraifft, darparu cymorth ariannol i gyrff dyfarnu er mwyn helpu i ateb y galw hwn.
5. Er mwyn gweld ym mha ffyrdd eraill y gall Cymwysterau Cymru hyrwyddo a hwyluso darpariaeth ddigonol o gymwysterau a threfniadau asesu Cymraeg a dwyieithog, mae cynllun gweithredu wrthi'n cael ei ddatblygu. Gellir dod o hyd i'r fersiwn bresennol yn **y Cynllun Gweithredu**. Bydd y camau gweithredu hyn yn llywio cynnwys y polisi hwn wrth iddynt fynd rhagddynt.

¹ <http://qualificationswales.org/regulation/approval-of-qualifications/?lang=cy&>

² <http://qualificationswales.org/regulation/approval-of-qualifications/?lang=cy&>

